

*Russia Kelly.  
Reamistr. 17.*

Prijs f0,25

Port Paye

OKTOBER 1975



REVISTA DI  
CENTRO DI BARIO NOORD



*Bishita*

# EAGLE BEACH BAR

DI BO AMIGO  
NICHO TROMP

# STRADA-ARUBA

Men & Ladies Department

Come and visit us in our new building...  
where shopping is a pleasure! !

For the latest in men's & ladies fashions...

For quality merchandise at bargain prices visit us.

*the most modern hardwarestore*



*oranjestad san nicolas*

PIANAN SOFOCA ???

# IMPOSIBLE ! !

SI BO USA  
SAPATONAN  
DI



# TURIBANA RUMSHOP

Pa bo comestibles y behidanan na un prijs razonable

# TURIBANA GROCERY



CALIDAD .....  
PA

HENTER  
FAMIA

ARUBA TRADING COMPANY

# ZWITSAL

VOÛR GELUKKIGE EN  
TEÛREDEB BABYS:

ZWITSAL baby powder  
ZWITSAL plie  
ZWITSAL zeep  
ZWITSAL shampoo



# LENOR N.V

WILHELMINA STRAAT 84  
TEL. 2646

# DISFRUTA



KOLA CHAMPAGNE  
(CORA)

PINEAPPLE  
GRAPE



E CERBEZ PREFERI  
NA NOORD



Agente : Mercurius Trading  
Fergusonstr. 116  
Tel. 1740 - 2345.





## CENTRO DI BARIO NOORD

FUNDACION PA STIMULA DESAROYO SPIRITUAL, SOCIAL Y CULTURAL DI NOORD  
NOORD 74 - P.O.B. 322 - TEL: 4658 - ARUBA

# PRO- LOGO

Apreciable lectores.

Taray nr. 8 a sali. Manera nos por a ripara e tin un bon sonido den nos pueblo. Hopi persona ta anhe-la pa lesa e Taray cu a caba di sali y principalmente Warawara ta cay na agrado di grandi y chiquito. Tambe e puzzelnan ta masha educativo y hopi perso-na ta pasa hopi rato placentero cu nan.

Sinembargo te awor nos ta tende mas comentario ainda. Hendenan malcontento. Nos no a haya Taray of nos a haya Taray laat. Tocante di laat nos por bisa: mihor laat cu nunca! pero esunnan cu no a haya at all nos por comprende nan keho. Pero nos ta hacien-do tur nos posibel pa nan. Ainda nos ta warda riba ar-ticulonan di nos pueblo. Scirbi algo constructivo pa nos bario. Nos tur ta forma parti di e bario y nos tur mester dedica nos mes na su progreso.

Pronto nos lo mira cu e ambiente di Nort lo cambia. e por bira mas mihor of e por danja. Pronto lo cumin-sa cu e construccion di e casnan di pueblo. Ta di spera cu e Norteronan den necesidad di un cas lo bini na promer lugar. Tur esunnan den necesidad pa un cas mester inscribi nan mes na Domein beheer (banda di Lagoen). Ta di spera cu tur bin na remarka. Pasobra nos mester por bisa: Nort ta pa (di) Norteros. E am-biente cu ta reina nos mester zorg pa e por keda aun-que cu aki na dies anja e cara di nos pueblo lo ta com-pletamente cambia. Y awor cu e poblacion ta bay bira mas hopi, nos representantenan den gobierno mester zorg pa bin mas facilidad tambe. Nos mester di school-nan pa ensejansa secundario, techniko. Tambe nos me-ster di kantoornan unda nos por paga awa, coriente, number di auto etc. Kisiera un banco pa facilita e pa-gamentonan. No trece cas so pero tambe e manera-nan pa recreacion. Drecha e camindanan. Duna subsi-dio na e clubnan cu ta traha na interes di e pueblo. Asina nos por traha pa e adelanto general di tur hen-de.

### REDAKSHON

Tinchi Flanegien	Redaktor (Rubriko Educativo)
Martin Flanegien	Secretario (Rubriko Social)
Rudy Tromp	Poëta Coordinador. (Rubrika cultura-infantil)
Ruben Figaroa	Fotografo (Rubriko Historico)
Dorothy de Kort	Administradora
Mayra Christiaans	Rubriko Deporte
Maria Vrolijk	Cooperadora
Marianne Sas	Cooperadora

### CONTENIDO

Prologo . . . . .	1
Redakshon . . . . .	1
Kiko ta un krèsj of crèche? . . . . .	2
Juventud mester di idolonan como fuente di inspiracion? . . . . .	3
Inspiracion riba elekshon (O-Bon). . . . .	4
Puzzel . . . . .	5
Aruba . . . . .	6 - 7
Pa nos muchanan . . . . .	8
Revolucion Latina . . . . .	9
Curso di cushina . . . . .	10
Paternidad Responsabel . . . . .	11
Horoscopo . . . . .	12



# Kiko ta un kresj of crèche?

Actualmente aki na Aruba tin den varios distrito "speelschooltjes", unda mayornan ta hiba nan yiunan chikito, kendenan ainda no tin edad pa bai kleuterschool. Hopi di e mayornan aki ta hendenan cu den dia nan ta bai traha y cu na cas no tin otro hende pa keda cuida nan jui. E muchanan aki (y tambe mamanan ta trese babynan na un speelschooltje) ta keda of mitar dia of henter dia na e speelschooltje segun e mayornan mes ta desea. Pa luna ta wordu paga un suma na e speelschooltje door di e majornan pa e muchanan keda eynan. Aki na Noord tambe tin un speelschooltje cu yama "Suske en Wiske" di sra. Aurora Thiel.

Awor nos ta bai splica kiko ta un krèsj: mescos cu na speelschooltje aki tambe nos tin di haber cu muchanan chikito cu no ta bai kleuterschool ainda. Mayornan ta trece nan yiunan 2 anja te cu 4 anja na e krèsj; e muchanan ta keda mitar dia, E meta ta: door cu e muchanan ta bin den contact cu otro muchanan, nan ta sinja di tene cuenta cu otro y yuda otro; hungando cu diferente clase di juguete cu specialmente ta traha pa nan sinja di nan y stimula nan fantasia, nan ta haya preparacion pa nan tempo di kleuterschool. Tambe e meta ta pa e mayornan interesa nan mes mas tanto cu ta posibel den e educacion di nan yuinan.

Esaki por wordu realisa door di por ehemplo:

E mamanan mes guia e krèsj of door di organisa un anochi ariba cual e mayornan ta bin intercambia idea ariba nos educacion di nan yiunan.

Nos ta planea pa cuminsa den Centro di Bario Noord cu un krèsj den futuro cercano; y mas informacion tocante esaki ta sigi.

Marianne Sas  
y  
Maria Vrolijk

Pa medio di Taray nos kier a introduci nos mes na e pueblo di Noord. Nos ta estudiantenan di un cademio social-pedagogico na Nijmegen, Hulanda. Y actualmente nos ta cuminsa cu hasi practica den trabou social-cultural na Centro di bario Noord. Nos lo traha un anja akinan. Nos ta sucersornan di Elsa Coffie y Estella Thodé, kendenan a regresa Hulanda kaba, pa termina nan estudio ayanan.

Nos studio ta specialisa den traha cu juventud, cuminsando for di edad di 2 te cu mas o menos 20 anja. (jeugdwerk). Nos plannan concreto pa e anja aki ta pa organisa un grupo pa muchanan chikito di 3 y 4 anja, tambe forma gruponan pa muchanan di lagere school. Despues nos lo splica mas tocante e plannan aki; nos ta semper dispuesto pa papia tocante educacion di muchanan y otro topiconan cu tin di haber cu jeugdwerk.

Nos mester corda cu sin e pueblo un centro di bario no por hasi su trabou manera e mester ta. Ta tur mester comprende, yuda y sostene otro. Tambe nos kier invita henter pueblo di Noord pa asisti mas tanto cu ta posibel na e actividadnan cu e centro cu e pueblo ta organisa pa e pueblo.

Di nos parti nos lo hasi nos posibel pa yuda realisa hunto cu tur hende loke ta para scirbi aki riba. Nos kier cera conoci cu pueblo di Noord mas mihor posibel y tambe nos lo laga tende mas di nos via Taray. Ricibi Hopi saludos di Marianne Sas y Maria Vrolijk.



Marianne Sas y Maria Vrolijk.  
Nos Stagaires nobo.



# JUVENTUD MESTER DI IDOLONAN COMO FUENTE DI INSPIRACION??

Ora bo tira un bista ariba muraya di kamber di un teenager mayoría bes lo bo wak posters di p.e. Mick Jagger, Bruce Lee, Che Guevara, Santana etc. Kiko lo por ta e motibo cu e mucha homber of mucha muher aki ta haja bale la pena di plak e posternan aki na muraya? (Of tin bes ariba camisa, buki etc.) Esaki lo por ta pasobra tur su amigonan tine e tambe mester di dje sino e ta chapo of algo por estilo. Pero mas importante ta tambe cu e persona(nan) riba e posternan por ta su idolo(nan). Esun cu e ta admirá y kier dirigi su vida na e mes un manera.

Actualmente nos ta bibando den un mundo cu hopi destino edeal(? ). Bo por escohe cual ley cu bo kier; sea Katolico, Testigo di Jehova o Evangelista etc.; bo por busca destino comunismo sino tambe kapitalismo y hopi otro aspectonan cu por decidi bo futuro. Pues bo tin cantidad di posibilidad; bo ta sintibo insignur (bo ta tamboléa). Pesey kisas lo ta importante pa e juventud di tin un ehemplo pa sigi su tras (e idolo), pasina forma su mes. E idolo por ta p.e. Che Guevara, Jesus Christ of gewoon un amigo di den bisendario.

Tin personanan ta bisa cu ta malo pa sigi un persona como ehemplo. Tin e peligro den e siguiendo di idolonan, cu bo por bira mescos nan catibo (bisina nan). Mescos cu teenagersnan den paisnan na Europa of Merca ta trapa, machicá y te hasta mata otro pa nan por wak un tiki di e artistanan di fama mundial manera The Rolling Stones; asina tambe a bira algo

como bisio ora cu e alemanan a sigi nan "idolo": Hitler.; cu a causa cu nan ta wordu manipula (e "idolo" por haci kiko cu e kier cu nan, nan ta obedecé! )

Otro personanan ta bisa cu no ta parce nan nada malo cu e juventud ta sigi ehemplonan y por tin un idolo, un persona cu nan ta admirá. Un persona cu door di su accionan o su manera di pensa hunto cu otro consejonan di otro personanan lo por juda nan (pues e hobenan) forma un personalidad fundá y bon informá. Pero sí, e influencia di e persona admirá aki no mester ta asina cu nan ta bay mira solamente fayonan di otro hobenan. (E fayonan aki ta loque ta wordu jama CHAPO! )

Otro ta bisa cu e idolonan ta contribuí mas na comercio cu na e personalidad di e hobenan. Pero sí, e casa comercialnan ta influenciá esunnan di edad poco mas avansá. Esaki door di reclamonan manera: "Ser hoben bisti tal i tal carson cumprá na ....." "Bo kier luci hoben y bunita anto cumpra ....." "Un hoben moderno ta huma....." etc. etc. Ta e casa comercialnan ta esunnan cu ta hiba mas ventaja for di e idolonan y ta net e casa comercialnan aki ta trese complejonan manera esun di CHAPO adilanti. Pues nan ta duña forsa na e hobenan pa wak fayonan di otro, y asina caba cu e bon (si acaso nos por jame bon anto) metanan cu un idolo (ideaal) por tin.

Asina cada persona por tin nan propio opinion. No keda cu bo opinion kisas e por ta instructivo pa nos. Di es manera ey nos por lanta discusionnan por escrito. Sperando bosonan reakshon! ! !





INSPIRASHON RIBA ELEKSHON  
(O-Bon! !)

Gran elekshon  
pa comishon  
di ladron  
den spilon  
na Ponton.

Un raton  
bibá na rincon  
jama Simon  
candidato bon  
tin intenshon  
di haci akshon  
na televishon  
pa mostra ta con  
un bon sjon  
por ta ladron! !  
E sa ki bason  
tira pa su rason  
p'e no keda soketon.

Primo leon  
jamá Salomon  
bibá na Mabon  
bou emoshon  
a haci reunion  
pa un akshon  
cu union  
contra inflashon  
y logra promoshon  
pa bira patron  
di tur ladron.

Compa scorpion  
otro candidato bon  
di e lista maron  
a ricibí reakshon  
tambe maldishon  
y hasta petishon  
(ta di con?)  
pa su akshon  
jen di emoshon  
y suspenshon  
cu ta su perdishon  
den e elekshon  
P'e como ladron  
lo no tin compashon  
ni tampoco pordon.  
Bo sa di con?  
El a haja cabaron

drumi riba corchon  
band'i un troncon  
y compa scorpion  
sin pone atenshon  
a kere t'un spion  
cu mala intenshon

di grup'i revolushon.  
Ela ranka su chupon  
kibra su boton  
kita su carson  
dal'e un baston  
mas cu un millon.  
y basha soppi bujon  
riba su cabeson;  
Djei busc'un cajon  
trahá di carton.  
Mik e bon!  
y laga cabaron  
na un monton  
di carbon.  
Djei tiré den remason  
di tribon.

Despues di elekshon  
den un comunicashon  
via televishon  
a sali e formashon  
di e comishon:  
E rey leon  
despues di coronashon  
y hopi cancion  
a keda patron  
di tur ladron;  
siguí pa raton!

. . y compa scorpion?  
C'un tiki compashon  
di e bon curason  
di e rey barbon  
primo leon  
a haja pordon  
y bou preshon  
a jega station  
pa subi avion  
den su batji maron  
cu destino Hapon  
pa bai come habon!  
Un bon obligashon  
pa su comportashon  
y educashon.

Rudy!



PUZZEL TARAY

Esaki ta un puzzel mescos cu esun di biaha pasá, solamente esun aya. tawata rondo, esaki ta di hokki. Hopi hende no tawata sa con pa trahé. Nos lo splicanan mas claro awor! p.e. Si e promer contesta ta - kens -

K	E	S
S	N	T
R	U	

Bo mester jené rond di e cifra 1 semper e contesta tin cu core segun un wijzer di oloshi. ( ↻ )  
 Tambe bo tin cu tene cuenta cu mita di e otro contestanan, cu tin cu pas den su hokkinan (pues aki den e ejemplo contesta no 2 y 11 etc.) Pues si E-N no a bin eynan

lo -NEST- (2) no a pas y asina tampoco - NURS - (11). Otronan tampoco lo no pas mas. Cada contesta tin 4 letter. Exito! Y corda mandé.

1	2	3	4	5	6	7	8	9	10
11	12	13	14	15	16	17	18	19	20
21	22	23	24	25	26	27	28	29	30
31	32	33	34	35	36	37	38	39	40
41	42	43	44	45	46	47	48	49	50
51	52	53	54	55	56	57	58	59	60

1. Loque bo ta pone salo ariba mainta.
2. Loque bo tin cu haci na skool.
3. Band di pushi na Hulanda.
4. Loque tin dilanti bo cabez.
5. Stima na spaño.
6. loque bo tin, ora bo ta stima.
7. Capita di Italia.
8. Fin di Oracion.
9. "Pero ..... mi, brazami y sunchi mi".
10. Cayente na Hulandes.
11. Wolf na spaño.
12. Bira boto na ingles.
13. Dos biaha e palabra aki banda. di otro kiermeen stom burachi.
14. hera, (no raka) na lenga di Corsow.
15. Mundo.
16. Caminda, direccion, na unda bo ta bai pasa
17. Loque un bestia tin su tras.
18. A pa hobenan.
19. Mester, tin necesidad (verbo) na inglés.
20. Cuatro biaha e palabra prome cu prome palabra
21. Sokete, kens.

22. Fruta cora cu nos ta importa.
23. Casá di mama di bo rumanan.
24. Deseo di welonan pa nan nietonan cabez largo haci
25. .... Aruba, kanal 13
26. Loque tin den un Ballpoint.
27. Ruman homber di chichi
28. Si bo scirbie bon e ta droga na ingles. Pero ta fout e mester ta cu un B na fin.
29. " ..... handhaven" ta e lema di polis.
30. "Eso es" sin e dos és.
31. Water ..... wega cu goal den awa.
32. Catochi grandi
33. Material pa porta.
34. "O ..... " na Frances.
35. Baratillo na ingles.
36. Fundamento, doel (basis)
37. Maestro religioso na china y Oriente
38. No moli
39. Estilo Musical (pe tumba)
40. Loque posterij ta trece.
41. Aparato pa jena tire.
42. Luna na ingles.
43. Nomber di cariño pa marcolino.
44. Biga di beton
45. Soppi na spaño
46. Loque bo ta pone riba bo webo mainta.
47. Banda (santo) na spaño.
48. Tur cos na spaño.
49. Sonido cu auto ta produci ora bo primi algo.
50. Keiro den lenga moderno
51. Nomber di cariño pa Premiep
52. Despues di IM na Hulandes.
53. Nomber di cariño pa marianita.
54. Aparencia; personaje den cine
55. Estilo musical.
56. Pan rondó.
57. gota p.e. bebe un gota.
58. .... Dakota tambe ta sponsor Taray.
59. Loque bo mester usa pata sabí.
60. Nomber pa Perzië desde 1935.

ATENCION ATENCION ATENCION ATENCION

Taray kier avisa tur habitantenan di Nort ku ta desea di haya un kas di pueblo pa bay inscribi nan mes mas pronto cu ta posibel na Domeinbeheer (banda di Lagoen) No warda pasobra e cantidad ta limitá.



# ARUBA

6

continuacion

Te awe nos ta refiri na Sabaneta como e Promer capital di Aruba y mientras no tin prueba di lo contrario, nos lo mester sigui accepta esaki como verdad. Sinembargo, ora nos analiza e varios leyendanan conoci, cu ta trata di e indionan, invariablemente nos lo topa cu un nomber cu repetidamente ta reaparece. Esaki ta "Isla". Varios di leyendanan ta muestra den direccion di "Isla" como e "capital" indio. Si nos tuma como ehemplo e leyenda di "Canashito" (camna keto) anto nos ta mira cu e bishitante a ser hiba for di Arashi o mihor bisa Boca Catalina den direccion di loke awe ta Sabana Basora, pasando via Nort, Tanki Leendert, Cero Biento, Mondí Fierno. Den ultimo añanan, tumando e varios leyendanan como posible base, algun investigacion a ser haci pa localiza "Isla" Riba nos mapanan di awor "Isla" ta encerrá e barancá cu nos ta yama "barnaca Halto". Esaki no por ta berdad, ya cu e indio tabata sin enseñanza formal, pero no asina bobo pa bai biba riba skerpi. Investigacion a muestra cu e "Isla" di leyendanan ta algo mas p'ariba, o sea unda cu e varios rooinan ta drenta Rooi la-moenchi y enverdad aya rastro y restonan a ser haya. Mientras cu investigacion y excavacion no tuma lugar, ta duro pa duna informacion. No obstante nos sabi cu na Quevarco indionan a residencia pa hopi aña. Un mencion special mester bai na e grupo más desconoci entre e indionan na 'Ruba. Esaki ta e "luangonan" cu tabata biba den cercania di Kibaima (Quibiama) Segun leyenda nan tabata e unico tribo indio cu tabata larga cabi crece largo y tabata usa cinta o adorno den cabei. Aparentemente nan tabata gusta dorna nan mes cu varios obheto y for di aki a nace e proverbio, dicha o frase "bisti manera luango". E mes leyenda ta atribui tres nomber basico na e tribo aki, o a menos, nan destruccion a duna nos tres nomber. Segun e leyenda, e Francesnan y Spañonan (pariba naturalmente) a pega batalla cu otro. Ora e indionan a mira cu e Francesnan tabata hiba bentaha riba e Spañonan nan

a ataca e Francesnan. E indionan sin arma moderno (pa e tempo ey) a parece y loke a scapa a ser kima bibo. E lugar yama Mondí Fierno. E paso mes yama Rooi Frances y e bahia yama Spaans Lagoen (Lagun Spaño) Mester ser bisa cu te awe e sitio di bibienda di e tribo aki no a ser localiza cu seguridad. Ora nos ta discuti e indionan ta bon pa caba cu algun mitar verdad y hopi mentira. Asina nos por leza cu e indio "Rubiano tabata bai Venezuela (Paraguaná) bai busca awa cu su cayuca. Esaki ta locura. E indio no por bai busca awa unda e sabi cu no tin. Paraguaná ta mes seco cu 'Ruba. Pero si tabatin poz di Indian, manera nos conoce nan. Ademas na 'Ruba tin varios "wowo di awa", manera na Kenepa, Awa marga, Fontein Asiboca, Rincon, Mangel Corá, Pos Grandi, Shete y Lagun na Playa, pa mencioná algun. Di e varios artefactonan indio e di mas conoci ta e piedra di mula cu su manganan. E bieunan na 'Ruba conoce e "shopa" cu e indionan tabata usa como trampa pa coi parha. Na e epoca cu spañonan a yega Aruba tabatin vivienda na Sabaneta, Santa Cruz y Nort. Te asina leu cu nos sabi na Aruba a pasa mescos cu tur otro lugar. Promer a biba e solda cu su arma, despues e sacerdote cu su biblia y na ultimo, e negociante cu su articulonan. Asina a bin pasa cu e Spañonan cu tabata solda a trece cu nan tambe sacerdotenan cu a cuminsa cristianiza e indionan. Un pregunta lo keda existi: ta di con su Sabaneta tabata e sitio di Gobernacion, e sacerdotenan no a cuminsa aya cu converti indionan?

Sigur ta cu inmediatamente despues di descubrimiento e Spañonan a tuma posicion. Durante e promer añanan e indionan tabata ser captura y usa como catibo especialmente na isla di Hispanola (St. Domingo y Haiti) Ya pa mas o menos 1515 captividad y esclavitud di indio ta ser prohibi. E fecha di e promer bishita di sacerdote ta desconoci, aunke ta un hecho conoci cu Spañonan a trece religion hunto cu crianza. Entre otro nan a introduci burico, cabay, cabrito carne, cacho, porco y galiña. Tambe varios vegetal y fruta a ser introduci, si no for di Spaña a menos for di islanan den Caribe unda Spañonan tabatin nan colonianan. E indionan ya tabata traha nan shopa, ramada y cas di torto, E Spañonan a introduci e edificacionan di piedra, completo cu porta y bentana. Di e idioma indio poco resta, salve nomber di mata y lugarnan. Spaño tabata



**MIRA BON  
Y ALAVEZ  
MUSTRA BON**





e lenga cu tabata ser usa cu mas frecuencia. E uso di papiamento a bin basta mas despues. Sacerdotenan tabata predica na Spaño. Apesar di cu no tin fecha exacto ta un hecho cu na 'Ruba catolicismo tabatin raiz promer cu e Hulandeznan a yega. E prueba ta den e decretonan cu cual nan a prohibi conversacion di indionan y catolicismo en general. Sinembargo catolicismo organizá a bin cuminsa na Aruba te na principio di siglo 18, apesar cu ya na 1635/1636 el a ser prohibi, cu mester accepte cu e tabata existi. En todo caso desde 1726 catolicismo ta aki pa keda. Na Alto Vista ta bini e promer capilla na año 1750 aproximadamente. Traha di piedra, su dak tabata di p'ali maishi, despues di torto. Ela ser construi pa un cierto Domingo Antonio Silvestre, cu aparentemente a bini for di Coro. Lastimamente cu un investigacion minucioso no a ser haci na Coro, unda cu tin hopi documentonan bieu, a menos, no pa hendenan cu sa Spaño. Ta existi hopi informacion, tanto na Venezuela, Spaña, Hulany Italia, pero nunca nan a ser usa pa finnan historico. Tambe na St. Domingo tin documento. Segun historia e capilla di Alto Vista a ser bendicioná dia 20 di april 1750 pa un padre, Capuchino cu tabata yama Pablo de Algemesi y cu Miguel Enrique Alvares a ser apunta e promer fiscal. E tabata casa cu yiu di Domingo Antonio Silvester. Aki historia ta poco bruha pasobra tin indicacion Sr. Domingo A. Silvester " a ser apunto na ofrenda di e capilla mientras cu" e mes pa-

dre Pablo de Algemesi den cronicanan di Iglesia ta bisa cu riba dia 20 di april 1750 el a nombra Minguel E. Alvarez. Si ta asina cu na Alto Vista e religion a cuminsa su marcha cu por ser califica e comienzo di enseñanza na Aruba. Ta probá cu Minguel E. Alvarez tabata sa skirbi y leza y cu pa añanan largo, ora cu no tabatin sacerdote, a logra mantene devocion den e filigresnan di e capilla. Alto Vista ademas ta e cuna di procesionnan, cu awe lastimamente ta desapareciendo. Na año 1772/1773 e misa na Nort mes ta ser principiá. Talbez hasta mas tardi. Segun historia y especialmente den pueblo ta existi e conviccion, cu e pueblo di Alto Vista a ser ataca pa caintura preto, cu tabata mashar contagioso. Ora e hendenan tabata muri asina hopi, esnan cu a sobra a baha p'abao bai finca y funda e pueblo di Nort, cu segun nan, tabata mas salud. E misa di Nort ta haya e nomber di Misa di St. Anna, aunke tin hende ta yama "Misa di calvario". E motibo no ta conoci. Tin hende ta bisa pasobra e ta na pia di Bucurux y otro ta miré como simbolo di tur e trabao y tribulacion cu e pueblo aki a soporta encluyendo e enfermedad contagioso. E malester mes ta ser atribui na un barco cu a traca na Arashi y cu tabatin marinero malo abordo. Na año 1816 e capilla di Alto Vista ta ser bandona oficialmente. Ta e cruz so a ser warda y awe ta adorna e capilla nobo di 1952. E pueblo di Nort anto ta mas hoben cu esun di Alto Vista y hasta por bisa cu ta cu desaparicion di Alto Vista como centro, cu Nort a haya derecho di existencia.

E ta sigui .....



SPRITZER + FUHRMANN

optica moderna





# 8 PA NOS MUCHANAN

## CON PERUCHO TA NEK JANCHI.

Biaha pasa mi a conta boso con Janchi a mata e cabay di Perucho. Despues di un aventura Perucho a logra gana hopi placa cu e cuero. Janchi a kere cu ta berdad ta bende el a bende e cuero pa asina tanto placa y e tambe a dicidi di mata su cabaynan y a bay bende e cueronan . . . . .

Hopi hende a cuminsa rondona Janchi y esaki a cuminsa ta sinti su mes hopi insigur. Homber, tres mil florin pa un cuero di cabay? Bo ta kere cu ta hende kens ta biba akinan. Un cuero ta algo cu nos ta tira afor. Mihor bo coi bo caminda bo bay promer nos dalbo. Janchi a spanta y a laga tumba pa su cas. Na caminda e ta pensa: Ora mi jega cas mi ta dal Perucho mata, pasobra el a ponemi mata mi cabaynan. Net e dia ey e abuela di Perucho (y Janchi) a bin serca dje. Como Perucho un cama so e tabatin a bisa su abuela: drumi riba mi cama numa, mi ta bay drumi den huki. Tabata skur, como ni lampi no tabatin, ora cu Janchi a yega na e cas. E no a perde pa gana y a bay directamente na cama. El a hisá un pida palo cu el a coi na caminda y a lage baha riba . . e abuela. Awor mi a caba cubo Perucho, bo a nek mi mucho caba, el a gríta. Pero Perucho drumi den huki a grité: bo a mata nos abuela. Ay e pober. E ora ey Janchi a spantá. Si bo bay dere pami mi no ta haci bo nada mas, el a bisa Perucho. OK. Perucho di y el a bay serca bisinja y a fia un cabay y garoshi. Nechi nechi el a pone e abuela riba e garoshi manera ta bibo e ta. Poco poco el ta bay den direcion di playa, pero ora el a pasa banda di un bar el a haya un sed. El a drenta y a pidi un cerbez. Hiba un soft pa mi abuela, e pober tambe tin sed, el a bisa e waiter. Pero papia duro cune pasobra e ta hopi sordo. E waiter a bay hiba soft y a bisa e bieuw: tuma un limonada di Perucho. E bieuw no a bisa nada. E waiter a cuminsa perde pasenchi y ta grita mas duru! Ban mira, mi tin pura. E bieuw no a reaciona. Den esey e waiter a fada y a tira e glas di limonada den cara di e abuela. Esaki a bay patras y a cay for di e garoshi. Den esey Perucho a corre sali for di e bar y cuminsa sclama: ay ta pika, awor bo a mata mi abuela. Ay e pober. E waiter tambe a spanta y a kere cu enberdad ta e a mata e abuela. E di: Si bo no bisa nada mi ta dera bo abuela y mi ta pagabo mil florin pa bo no hibami recherche. Perucho a tuma e pla-

ca y a laga e abuela na cuenta di e waiter. Ora el a yega cas el a mostra Janchi e placa y a bisele cu ta bende el a bende e abuela pa mil florin. Janchi a kerele y den su hambro pa placa a corre bay mata su otro abuela... El a ponele netchi, netchi riba un garoshi , y a laga tumba pa playa. Yegando aya el a cuminsa grita: Un abuela morto, mil florin pe. E hendenan a sali for di nan cas y a cuminsa menasa pa mata Janchi. Esaki a spanta masha y a busca un manera pa huy. Den su mes e ta pensa: Perucho ta tumami pa hende kens. Mi mester caba cune. Awor si e no ta scapami mas. Mi ta bay hogle. El a coy un saco di fleishi y a bay na cas di Perucho! Esaki tabata drumi morto na sonjo ora cu Janchi a yega y sin vacilá Janchi a hinka su ruman den e saco y a dale na konopi. Mesora el a tumba pa laman. Na caminda sinembargo el a sinti un sed y a dicidi di bay refresca. E saco el a laga para banda di caminda. Poco rato despues a pasa un homber cu masha baca y carne. "Esta bunita, esta bunita" Perucho a cuminsa grita, esta bunita. Kiko ta bunita? Esta bunita ta den e saco aki. E homber no por a wanta mas y a habri e saco. Mesora Perucho a bula sali y a stot e homber aden, dale cu konopi y desapare cu e bestianan. Poco rato despues Janchi a sali for di e bar y a coi e saco tira riba su schouder. E tabata un buracho y asina e no a ripara e diferencia. El a camna te yega na e laman y a tira e saco den awa. . . . . "Awor mi a scapa di e diablo ey." el a bisa, mi ta bay coi tur e cosnan di Perucho pa mi. Den esey el a mira di leuw un homber cu ta parse Perucho. Ora cu el a yega serca el a ripara cu ta Perucho mes e ta. Perucho cu hopi bestia. Unda bo a haya tur e bestianan aki. Bo no a cay na awa? Janchi a puntrele. Si, mi a cay na awa y mes momento e sako a habri y mi a sali. Mi a mira masha hopi bestia mes y esakinan mi a dicidi di coy pami. Mas oro mi ta bay buska mas. No, no, awor ta mi beurt. Ami mester bay den laman awor pa mi tambe haya bestia, Janchi a bisa. Oke, ban nos ta busca un sako y mi ta hinkabo aden y tirabo na awa. Bon nan a haya un sako y Janchi a bay sinta aden y Perucho a dale na konopi y a cargele hiba awa. Yegando ayanan el a tira e sako na awa y a bisa: OK Janchi coi hopi bestia y trece un poco pami tambe. Djies un plons el a tende y e sako a sink, sink te cu el a yega fondo . . . Asina Janchi a yega na fin di su bida. Perucho a bay cas y biba tranquilmente.



# REVOLUCION LATINA

9

Esaki ta un relato basa ariba e cuminsamento di Combo UNIDAD LATINA cu awor a cambia su nomber pa REVOLUCION LATINA.

Unidad Latina a ser funda dia 20 - 9 - '73 sin ningun clase di preparacion, cu un tré, baho y ritmo (pero si electrico) ya cu nos tabata conserva algun aparato electrico ainda di un Combo cu tabata existi prome cu esey a wordu funda.

A drenta nos un smaak pa lanta un combo atrobe door di cu un aña despues cu e prome combo a habri door di otro, ami cu un par di amigos a dicidi na lanta un cuarteto cu tabata consisti di un guitarra tré, un guitarra seis, un cuarto y un maraca, hunto nos tabata forma e Cuarteto LOS DESCONOCIDOZ cu tur dia-domingo tabata toca na radio Voz di Aruba den un programa cu Señor Fanfan Sanches tabata tin es tempo ey cu porcierto tabata masha popular y scuchá. Los Desconocidoz tabata haya pedida pa aki y aya, esta pa entretien BBQ of un hacimento di aña, despedida di un persona etc, etc, pero algun di nos tabata acepta, ya cu pa mi no gaña nos no tabata tin e cuarteto como algo serio sino dj es pa complace nos mes. Ta den un tocamento cu nos a toca pa despidi di un persona e idea firme a nace pa nos laga e cuarteto un banda y lanta un Combo cu lo bay ser jama UNIDAD LATINA? Dia cu nos tabata tin doz luna di train a aserca nos un persona pidiendo nos cu si nos kier acepta un orgel y cu e mes lo toké. Pa nos no tabata tin incombeniente di no acepte, ya cu tabata locual cu nos tabata desea. Nos a train hunto y tur cos tabata bay basta bon, hasta cu nos a cuminsa toca algun fiesta di famia, nos no tabata kier a sigi mas a leu pa falta di instrumento cu porcierto ta hopi caro. Net den e tempo cu e banda tabata bay cohiendo plaza poco a poco a bin un incomprendimiento entre tocador, y e banda mester a stop di toca pa solucion a problema existente. A bin sosode cu e organista no tabata kier a sigi mas cu e banda, e ora ey ata nos ta buscando kende por toca orgel. Nos a haya si pero na principio a resulta cu tur cos lo fracasa, pero ora cu e tocado nobo aki a catch e orgel tur cos tabata bay facil pe y pa e banda tambe.

Actualmente nos a cambia di nomber door di cu nos a laga graba un 45 R.P.M. y ya cu esaki ta nos prome 45 nos a dicidi cu REVOLUCION LATINA lo ta un nomber mas interesante y cu por hiba nos un poco mas aya, den nos carrera musical.

Orgel ta ser toca pa : Jacintho Boekhoudt.  
Baho " " " " : Secondino Tromp.  
Timbal" " " " : Frans Tromp.  
Quinto" " " " : Muco de Cuba.

Guitarra tré, Cantamento y Director di e Combo ta a cargo di MARTIN QUANDUZ, Manager ta señor Pedro Quanduz. Esey tabata un relato breve basa ariba cuminsamento di Combo UNIDAD LATINA cu awor a cambia su nomber pa REVOLUCION LATINA. Un biaha mas masha danki pa bosonan atencion y te un otro oportunidad.

Attentamente: Martin Quanduz.



## DOLOR DE HIJOS

Yo que te queria yo que te amaba  
ahora me dejas llorando por ti  
tu me abandonaste dejando a tus hijos  
llorando por ti, siempre me preguntan donde  
esta mama porque ella no viene porque ella se fue  
no se que decirles no se que decir sus solos  
consuelos es llorar y llorar.

Ahora yo te imploro, ahora yo te ruego  
haz lo por tus hijos vuelvez otra vez  
ellos estan muy triste siempre esperando  
llorando por ti, siempre me preguntan donde esta mama  
porque ella no viene porque ella se fue no se  
que decirles no se que decir sus solos consuelos  
es llorar y llorar.



## E KOKOLISHI

Lenga di pueblo si sa condena bo.  
Mira desgracia di un mucha bunita.  
E mucha ta gusta bisti na moda.  
Semper eta usa su short nan preta  
E gusta saca su nechi figura.  
nunca ela pensa cu nan lo mal famele.  
ken cu mire ta jame kokolishi.  
pasobra e kokolishi ey si ta bon.  
(coro) E kokolishi ta bon.

Pueblo a mal fama bo.  
ken cu mira bo a gusta bo.  
sigi bisti bo na moda.  
ay duna mi e kokolishi.  
sake cu e tumba aki.  
no sconde si no scondele.  
Mira kokokokolishi.





# CURSO DI CUSHINA



## PORK CHOP cu saas.

### 1. Pork Chop

Salú, peper, garlic, powder, paprika, maggi, sojasaus. un pida siboyo, tomati, promenton, selderei. siboyo largo.

1 cuchara di margarina

1 theelip di pasta di tomati.

1/4-1/3 cup di awa.

1 theelip di maizena mescla cu un tiki awa.

1. Prepara e pork chop cu salu etc.
2. Laba e specerijenan y corta nan.
3. Laga e margarina kenta y hasa e pork chop bruin
4. Agrega e specerijnan y hasa nan un rato.
5. Agrega e awa y pasta di tomati, large cushi 20 min.
6. Mara e saas cu e maizena y drecha e smaak.

## Wortelstampot.

2 - 3 batata.

1 wortel.

Un tiki margarine, 1/2 cuchara di lechi en polvo. un tiki awa (di e batata y wortel), notémuskaat, peper (un pida siboyo).


1. Pela, laba y corta e batatanan.  
Pela y laba e wortel.
2. Herebé awa y salu, agrega e batata y wortel. Herebe nan 20 min.
3. Scoré e awa, pero warde.
4. Mashika e batatanan y wortel.
5. Mezcla bon cu un cuchara di palo.
6. Agrega e manteca, leche en polvo y awa.
7. Sigi drei te e stampot ta licht.
8. Drecha e smaak cu un tiki peper, notémuskaat (y siboyo corta fini, fini).

## FRENCH TOAST.

2 sneechi di pan.

1/2 webo. 1/2 cup di lechi (1/2 cup di awa y 1 cuchara di lechi en polvo). Kanel. (Salú). 1 cuchara di manteca, suku y kaneel.

1. Mezcla e webo, cu lechi, kaneel y salú.
2. Muha e sneechi di pan den e lechi etc.
3. Ora e pan ta bon muha, kenta e manteca.
4. Hasa e sneechinan di pan licht-bruin den e manteca.
5. Ora nan ta cla ponenan riba un pida di scotch towel.
6. Strooi suku y kaneel riba e pan.





# PATERNIDAD

# RESPONSABEL

Aruba ta un isla ku ta masha pobla. Riba kada kilometro cuadro ta biba mas ó menos 300 persona. Y nos ta sigui krese. Na naja 1970 tabatin 60.149 persona ta biba na Aruba. Na 1971 - 60.562, 1972 - 60.781, 1973 - 61.114 y na 1974 - 61523.

Esey kjer meen ku kada anja mester crea mas luga di empleo. Y tambe mester mas alimentonan pa tur por come y bebe suficiente. Pero e salu no ta e caso. Tin un cierto limite pa crea luga di empleo. Nos pueblo no por conta mas ku famianan grandi. Cada tata y mama mester sabi te cuanto jiu nan por haña. Esaki nos ta jama planifikashon di famia den nos komunidad.

Kiko ta nifica planea bo familia?

- a. Hanja un jiu solamente ora bo ta desea esey. Bo mester ta cla pa risibié mentalmente y financieramente. Korda ku ta boso tin ku zorg pa e jiu durante un periodo largo, di ora ku e nase te ku e por juda su mes.
- b. Hanja solamente e kantidat di jiu ku boso por kria debidamente.

Tur mester por haja e mesun atenshon. Nan mester haja algo di come y paña di bisti segun nan ta kresiendo.

Asina nan por desaroja nan mes na un bon y felis miembro di komunidad. E base di un bon komunidad ta e responsabilidat paternal.

Responsabel pa e baby ku ta bai nace. Nos ta clá pa risibié? Nos tin nos mes un kas kaminda e baby por biba aden. Nos tin suficiente paña pa e mucha por bisti? Si esey ta e caso anto seguramente nos por ricibi e baby ku masha alegría.

Pero nos no mester lubida e jiunan ku nos tin kaba. Nan tambe mester sigui konta ariba nos cuida. Nos mester pregunta nos mes si nos por sigi duna nan tur lokual nan tin mester si e famia bira mas grandi. Tambe nos mester pensa riba responsabilidat di e mayornan, mas en especial pa e mama mas tantu jiu, mas pisá e tarea di e mayornan ta bira. E mama ta sobra tempo pa e mes!

Nos ta responsabel tambe pa e komunidad ku nos ta biba aden. Mas grandi nos komunidad bira menos e por ofrese na kada un di nos individualmente. Ta bin mas hopi mucha ku tin luga pa nan na skol. Tambe e dokter nan por haja mas patientnan ku asiña nan no por duna tur hende e mejor tratamiento. Cas tambe ta bira scars. Hasta awor gobierno mes mester traha cas pa e hendenan menos afortuna por biba aden. E casnan ey mester wordo paga. Miho un cas di bo mes. Esey ta mas alegre. Trabow ta birando poko. E desempleo ta sigui krese y hopi famia ta hibando un vida miserabel. Pesey nos tur mester pensa bon ariba nos responsabilidatnan paternal. E ora ey nos komunidad ta un ku ta felix, kaminda tur tin nan oportunidad pa biba aden.



**MARTIJN TRAVEL BUREAU**

BO KIER BIAJA BON Y COMODO — ANTO  
MARTIJN TA HIBA BO PA AIRE, LAMAN Y TERA  
HAVENSTRAAT 10 - ORANJESTAD  
OF JAMA: 1492 - 1493  
DESPUES DI ORA DI OFICINA: 2571

**Algemene  
Bank Nederland**

ARUBA BRANCH



# HOROSCOPO<sup>12</sup>

## VIRGO



Pensa mas serio ariba esunnan cu bo a jega di gaña y haci infeliz. Mei-mei di luna lo bo contra un otro, pero cuidow... E ta hinka bo den maldad.

## LIBRA



Hunga 52, pasobra den loteria bo suerte ta e luna aki. Pero bo asuntonan amoroso lo laga bo keda dos dia sin come . . . . . cortamento di horea ta den wega.

## SCORPIO



Dal un baño di lamá mas pronto posible pa kita mará. Esun cu bo ta kere di stima ta dunabo un freak-out, pero keda tranquil tranquil . . . prome cu luna caba ta bo beurt.

## SAGITARIO



Na cas lo bay tin malcomprendimiento pa motibonan financiero. Lo bo fit un persona poco gordo, pero promer cu luna caba e ta lew-may . . . Bo nerviosan ta e causa. Cuidow cu spion!

## CAPRICORNIO



Lo sufri poco di malesa di dos pa cinco dia. Cuidow cu pleito o pelea. Lo bo no ta afortuná den esakinan. Lo bo ricibi un suma parew na fin di luna di personanan cu debebo.

## AQUARIO



No tene miedo di basilá. Baila mas hopi cu ta posibil. Na skool o trabow no worry cu bo coleganan, nan ta ful contra bo e luna aki pasobra bo tin suerte.

## PISCIS



Confia bo ser stimá tur cos e luna aki. Lo e juda bo cu algun problema y lo bo keda sorpresá di dje. No sali den secur bo so! Na fin di e luna aki bo ta haña un noticia tristo . . .

## ARIES



Telefonicamente lo bo haña un noticia alegre. Separa bo mes di esun cu bo ta stima; busca otro pa diberti sino lo bo fada completamente. Mas den luna lo bo haña kram.

## TAURO



Cuidow tin un persona cu tin rabia riba bo, lo influenciabo pa tenebo atras den estudio o trabow. Pa motibo di alcohol lo no tin romance. Purba bo suerte den catóchi, Bingo y Casino.

## GEMINIS



Lubida ariba es cu a pasa, cuminsa di nobo, futuro lo ta miho. Un persona den familia ta duna bo desgusto. Bay fiesta busca diverticion, pero no fit cu ningun. Luna favorable pa compras.

## CANCER



Lo bo cay den tentacion y ta bin redashi. No preocupa bo, preocupabo cu esun bo ta stima. Lo bin problema entre boso dos pero alfin verdad ta vence. Estudio o trabow ta exige mas atencion!

## LEO



Evita salimento ariba caya; pasobra bo tin peligro den trafico. No sunchi ningun persona e luna aki pa motibo cu bo tin chens di haña un malesa. No perde pasenchi tin mas luna cu siglo.



Rio Grande Store

pa bo licores  
cerbez -  
refresco -  
ijs

Nos Banco preferi ta

**CARIBEAN  
MERCANTILE  
BANK**

**PONTON  
ESSO  
SERVICENTER**

PA SERVICIO RAPIDO

Ponton

Tel: 2733

CANAL 90  
F. M-STEREO

SOMETHING DIFFERENT

FOR SOME ONE DIFFERENT

PA BO PAN FRESCO

**PANADERIA DEL PUEBLO**

Tel. No. 1915 - Guyabastraat 4

Y PA BO COMESTIBLES

**TOKO DAKOTA**

Tel. No. 2591 - Guyabastraat 24

Aruba, N. A.

AMIGOE  
E CORANT PA TUR DIA

E corant cu diariamente ta ofrecho:

- ACTUALIDAD DI TUR ISLA ANTILLANO
- NOTICIA MAS IMPORTANTE MUNDIAL
- DEPORTE LOKAL E INTERNACIONAL
- COMENTARIONAN
- ENTREVISTA Y REPORTAHE
- PROGRAMA DI RADIO Y TELEVISION



Yama **4333** abona awe mes riba dje.

**AMIGOE DI ARUBA**

**HERNANDEZ**

Bo tin mester di instala:  
un cas  
un airco  
un:.....

Pa tur installacion acudi na:

**INSTALLATIE BEDRIJF**

di Sr. Roman Hernandez  
na Tanki Leendert 227-B  
of jama tel. No. 2665

SERVICIO GARANTISA

**PLAYA TRADING  
CO. N.V.**

PA TUR ARTICULO  
TRAHA DI PAPEL, KARTON  
OF PLASTIC, JAMA NOS I NOS  
LO BIN SIRBIBO.

TEL 2787. TOMATENSTRAAT 2.



*Botica del Pueblo*  
*N.V.*

(Est'd 1935)

P. O. Box 103,  
Oranjestad,  
Nassastraat 22,  
Aruba, Neth. Antilles

Phone 1253 - 2154

**A  
R  
A  
W  
A  
K**

SOFT

CERBEZ

Ban pasa un rato  
placentero na

SANDWICH

CHICKEN BASKET

TUR SORTO DI BASKET

**SNACKBAR**



WARA -  
WARA

ADIOS  
tur dos...

